



ATASSUT

10. 05. 2022

Siverth K. Heilmann

UPA 2022/98-1

Saammaasseqatigiinnissamut Isumalioqatigiissitat innersuussutaat arfineq marluk naammassiniarlugit suliniummik aallartitsinissaat pillugu Naalakkersuisut peqquneqarnissaannik Inatsisartut aaliangiiffisassaattut siunnersuut, iliussissatullu pilersaarut UPA 23-imi Inatsisartunut Naalakkersuisunit saqqummiunneqassasoq.

(Inatsisartuni ilaasortaq Doris Jakobsen Jensen, Siumut)

Siullermik inatsisartuni ilaasortaq Doris Jakobsen Jensen, Siumut qujanaq, inatsisartunut siunnersuuteqarninnut, imatullu naatsumik Atassummiit oqaaseqarfigissavarput.

Siunnersuuteqartup tungavilersuummini ersersippaa Siumut, Atassut aammalu Partii Inuit nunasiaateqarsimanerup kingunerisimasap illugit Nunatta nunasiaataasimanagera qaangerniarlugu saammaassinissaq isumakkeerinninnissarluk pisariaqartoq, tamannalu pillugu qanoq iliussissamik pilersaarusiortoqassasoq.

Soorunami Naalakkersuisooqatigiinnissamik isumaqatigiissimalluni suliamillu aallartitsisimagaanni suliaq ataatsimiitaliani inaarsarneqareerluni Naalakkersuisuni inatsisartunilu naammassillugu suliaasaapput.

Siunnersuuteqartullu nammineq oqaatigaa, isumalioqatigiissitamik pilersitsisimaneq innersuussutaasullu arfineq marluusut, ulloq manna tikillugu kinguneqanngitsut, taamaattumik naammassiniarlugit Naalakkersuisut peqquneqarnissaannik siunnersuut qaqeqqinneqarpoq.

Eqqaamalluarpara aamma partii Siumumi ilaasortat oqaasinnaarigaat assersuutigalugu, imigassaq immi ajortuunngitsoq, inuilli namminneq imigassartussanerlutik atugassarigaat. Ikiaroorartuq Nunatsinnut eqquneqarnissaa inerteqqutaagaluartoq, ukiorpassuarni ulloq manna tikillugu qanorsuaq pinaveersaartitsinernut aningaasaliisaraluarluta, ajornartorsiut nammineq pigisarput allat pisuuppumik oqallinneq nalligeruusaarnerlu qaangerniarlugit tamaviaarniarta.

Namminersulivinnissamik nunatsinni innuttaasut amerlanerussuteqarluartut aalajangernikuunerat ataqquvarput. Atassutip suli piareersimanginnitsinnik isummertarnerput aalajangiusimavarput. Aningaasarsiornerput sulerusussuserlu minnerpaamik anguniassallugit siunissamullu isigaluni politikkikkut siunnerfeqarnerusariaqarpugut.



Aali ukioq 2022 kalaalinngorsaaneq anguniarlugu partiit ilaat oqarluartaartuartut aatsaat taamak avataanik sulisussatsinnik tikisitsisariaqartarnerput annertusitikkiartorneqarpoq.

Innuttaasut politikkererpassuillu kissaaterpassuinut tamanut akissaqanngilluinnarpusi, taamaattumik namminiilivinnissatsinnut akissaqarusukkussi, Atassutip qangaaniilli inuussutissarsiornikkut suliffissanik ataavartunik, aningaasarsiornittalu pitsaanerujussuarmik aqutissiuussiniarnitsinnut tapersorsorniartigut.

Taamatut oqaaseqarluta siunnersuut ilalinngilarput.

Qujanaq.